

SAOPŠTENJE ZA JAVNOST

NEVIDENA BRUKA NA IZBORIMA ZA VIJEĆE UPOSLENIKA

Na proteklim izborima 14.januara ove godine, za formiranje Vijeća uposlenika u Željeznici Federacije BiH, Izorno povjerenstvo kao odgovorni organ za sprovedbu, zbrajanje glasova i iznošenju konačnih rezultata održanih izbora načinila je neviđenu bruku u brutalnom falsificiranju volje radnika birača jer je svojim nezakonitim radom omogućila neviđenu pljačku glasova birača.

Desilo se to što se nije smjelo desiti da izborne rezultate faktički određuju članovi biračkih odbora imenovani od strane odgovornih radnika gdje su primjenjujući samoproklomovani izborni inženjering omogućili da od tih tijela naprave svoje instrumente za najbrutalniju krađu glasova.

Faktički ti isti odgovorni radnici našeg preduzeća su nadgledali i regulirali (ne)zakonitost rada izborne komisije i biračkih odbora jer su morali ispuniti obećanje Upravi Društva da konačno mora biti formirano Vijeće uposlenika. Svakako u lancu odgovornosti za ovu neviđenu bruku je kriva prvenstveno Uprava Društva, koja, slučajno ili namjerno, u konačnici prebrojavanjem svih glasova dala jasan pokazatelj užasno slabih i nezakonitih održanih izbora.

Brutalno falsificiranje volje radnika u alarmantnoj cifri sumnjivih nevažećih listića i broju glasača/radnika koji su izašli na izbore je prevara svih prevara koje su se u našem preduzeću odvijale još od pokretanja inicijative o formiranju Vijeća uposlenika.


Donosimo jedan od dokumenata adresiran prema predsjedniku Uprave Društva u kome se traži hitno postupanje i odgovor u zakonitosti održanih izbora od 14.01.2011.godine.



SINDIKAT
MAŠINOVOĐA-STROJOVOĐA
U FEDERACIJI BOSNE I HERCEGOVINE



SAMOSTALNI SINDIKAT
ŽELJEZNIČKIH RADNIKA
U BOSNI I HERCEGOVINI



SAMOSTALNI SINDIKAT
IZVRŠNOG OSOBLJA
PODRUČJE INFRASTRUKTURE ŽFBiH

Broj: 15 – I / 11

Datum: 18.01.2011.god.

Mjesto: Sarajevo

JAVNO PREDUZEĆE ŽELJEZNICE FEDERACIJE BiH, d.o.o. SARAJEVO

N/r gosp. Nedžad Osmanagić
PREDSJEDNIK UPRAVE – GENERALNI DIREKTOR

PREDMET : *Izborne prevare za Vijeće zaposlenika ŽFBiH,*

Poštovani !

Sindikati, potpisnici Kolektivnog ugovora ŽFBiH, zaprepašteni su i ogorčeni kad je u pitanju način sprovođenja izbora za Vijeće zaposlenika, koje je održano 14.01.2011.god. u našem preduzeću, a posebno lažiranjem izbornih rezultata od strane Izborne komisije, na čelu sa pravnicom Atiković Fatimom.

Sami izbori su imali bezbroj nepravilnosti kao što je dupliranje glasačkih spiskova, tako da je jedan zaposlenik mogao bez ikakvih problema glasati na svakom biračkom mjestu, zatim ogroman pritisak na zaposlenike od strane članova Uprave ŽFBiH, direktora, šefova, poslovođa da se izade na izbore, produženje glasanja do kasno u noć (direkcija Sarajevo) iako su izbori trebali trajati do 19 sati, zatim nedozvoljavanje predstavnicima sindikata prisustvo prilikom brojanja glasačkih listića itd, itd.

Ovo stvara sliku grubog kršenja izbornih pravila, koja bi trebala biti zasnovana na demokratičnosti i transparentnosti, što ovdje nije slučaj, vjerovatno iz razloga prevelike želje da se na bilo koji način dođe do zacrtanog cilja-Vijeća zaposlenika, ne birajući sredstva.

Sve nabrojano moglo bi se možda i zanemariti, ako se uzme u obzir moral i karakter ljudi koji su sve to kreirali, ali ima jedna stvar preko koje ne možemo i nećemo preći, a to je notorna laž o broju zaposlenika koji su izašli na izbore.

Navodi se cifra od 1997 zaposlenika, ali su zaboravili da su predstavnici sindikata bili prisutni na biračkim mjestima i evidentirali ukupno 1377 glasača, što možemo i dokumentovati. (620 glasačkih listića je naknadno pridodato).

Mi kao sindikati bili smo dužni upoznati Vas sa malverzacijama izbornih i biračkih tijela povodom održanih izbora Vijeća zaposlenika, a od Vas zahtjevamo da ni u kom slučaju ne priznate krivotvorene izborne rezultate i ne prihvatite saradnju sa prevarantima, koji žele obmanuti i Vas i sve zaposlenike ŽFBiH.

Ukoliko Vi, kao Poslodavac, i pored svega navedenog priznate izborne rezultate i time date legitimitet spornog Vijeća zaposlenika, sindikati u naslovu će svim zakonskim sredstvima spriječiti „rasprodaju“ radničkih prava, koristeći pravosuđe FBiH i štrajkove kao najradikalniji vid sindikalne borbe.

S poštovanjem !

Buljugija Vernes s.r.

Spahić Munir s.r.

Boban Igor s.r.